

Bergsachen
die wichtigste
sachen.

der vnd irthumb aus den Bergsachen / dann
aus den Bürgerlichen handlungen erwachsen/
wie es dann am tage ist / vnd wann man von
hädern vnd zäncken sagen wil / so ist aus den
Geistlichen vnd weltlichen Rechten zu erwei-
sen / daß zu mehrmaln zwischen zweyen armen
Berggesellen / ein grosser wichtiger irthumb /
vmb ein wenig Feldes willen erwechset / dann
zwischen zweyen gewaltigen Königen / vmb ein
ganzes Reich / vnd tregt sich offters zu / daß die al-
ler armesten Bergleut / die nicht so viel eigenes ha-
ben / da sie die nechste Nacht ihr Haupt auffle-
gen / vnd den folgenden tag ihr Brot von ha-
ben mögen / eine solche wichtige frage vnd hand-
lung erregen von den Lehnschafften / die sich in
viel tausent Marcken Silbers erstrecket. Vnd
darumb müssen wir tag vnd nacht mit höch-
stem fleiß trachten / wie wir beyden / armen vnd
reichen vnsern Bergleuten / so in solchen wich-
tigen irthümen stecken / gleiches vnd gebürlich-
es Recht halten vnd wiederfahren lassen.

Mancherley
Lehnschafften.

Doben im andern Buch haben wir nach
notdurfft von der Stöllner / von der Erbschäch-
te oder fundgruben Lehnen vnd Lehnschafften /
so durch unsere Urbürer vorliehen vnd hinge-
lassen werden / gesaget. Allhier aber wollen wir
von den schlechten Lehnschafften / die sich in
vnsern Königlichen / vnd in der Herrschafften
Lehnen / dergleichen in den Urburfahren / zutra-
gen / vnd auch durch unsere Urbürer hinge-
lassen werden / reden. Item / es begeben sich
auch dergleichen Lehnschafften / welche durch
die Bergmeister / vnd durch die Gewercken in
den

den